

INUIT ATAQATIGIIT

Inatsisartuni



29. august 2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut nunatta nunanut allanut politikianik annertusaanissamik, inerisaanissamik iliuusissior-nissamillu pilersaaruteqarpat?**
- 2. A) Apeqquq 1 aappiuppat – Qanoq tamanna siunnerfinnik imaqartinneqarniarpa? Qanorlu Inatsisartut susassaqtullu allat akuutinneqarniarpat?
B) Apeqquq 1 naamiuppat – Sooq Naalakkersuisut taamak pilersaaruteqanngillat?**
- 3. Kunngeqarfiup Danmarkip Issittoq pillugu iliuusissatut pilersaarutaa kingulleq 2020-mi kingusinnerpaamik nutartigassaavoq. Nutaamik sanasoqarnissaanut Naalakkersuisut akuutinneqarpat? Taamaappallu sulineq qanoq ingerlanneqarlunilu imaqarpa? Naalakkersuisullu tungaanniit naammagisimaarneqarpa?**
- 4. Danskit ministeriunertaavata ukioq manna oqatigaa: "*Kalaallit Nunaata nunanut allanut politikianut danskit politikeriisa aalajangiisussaanut ullutsinnut naleqqukkunnaarpoq.*" Naalakkersuisut nunatta nunanut allanut politikiminik namminiussuseqarnerusinnaalernissaanut periarfissaq taamatut oqariartornermi pilersinneqartoq qanoq atorluarniarpaat?**
- 5. Ulluni kingullerni danskit Naalakkersuisuiniit Issittumi, ilaatigut sakkutooqarnikkut nunatsinni annertusaanikkut siunnerfeqarlutik oqariartuutigeqattaarpat. Taamak oqariartuuteqarnerat Naalakkersuisut qanimut pilersaarusoqataaffigalugulu oqaloqataaffigaat?**

(Inatsisartunut ilaasorta, Múte Bourup Egede, Inuit Ataqatigiit)

Tungavilersuut:

Nunatta "*Nunanut allanut tunngasutigit naalakkersuinikkut ingerlatsiner-mi iliuusissaq*"¹ maanna tungavigisaa 2011-minngaanneersuuvoq. Taamatuttaaq "*Kunngeqarfiup Danmarkip Issittoq pillugu iliuusissaa 2011-2020*"²-meersuulluni. Taamaniit maannamut nunarsuarmi

¹<https://naalakkersuisut.gl/~media/Nanoq/Files/Attached%20Files/Udenrigsdirektoratet/GL/Nunanut%20Allanut%20tunngasutigit%20naalakkersuinikkut%20ingerlatsineq%20pillugu%20nassuiaatit/Nunat%20allanut%20tunngasutigit%20naalakkersuinikkut%20ingerlatsiner-mi%20iliuusissaq%20amma%20nassuiaat%202011.pdf>

²https://naalakkersuisut.gl/~media/Nanoq/Images/Udenrigsdirektoratet/100445_Arktis_Rapport_GL_210x270_Final_web.pdf

piisoqarsimaqaaq. Iliuusissat sananeqarnerata nalaani pissutsit amerlasuutigut ineriartornermit qaangerneqarsimapput.

Piffissami kingullermi pisut takuinnaraanni pisariaqarluinnarpoq nunatta nunanut allanut politikkinimik suleqateqarnerminillu annertusaanissaa ersarinnerulernissaalu. Kunngaqarfiup Danmarikip nunanut allanut illersornissamullu politikkinimik ingerlatsinerani nunarput qitiulluinnarpoq tamannalu annertusaanissatsinnut tunngaviit ilagisariaqarpaat. Nunatullu tamanna aamma iluaqutiginerusariaqalerparput. Nunatta siunissaanut sammisaq pineqartoq qitiulluinnarmat taamak apeqquteqarpunga. Nunatsinni nunanut allanut suleqateqarnej, niueqateqarnej – tamakkiisumik oqaatigalugu politikkeqarnej ataatsimoorfiulluni ingerlanneqarnissaa tunngaveqaqqulluguttaaq.